



Ebola



1 – Ko woni Ebola?

Ebola ko rafi paawle gondude e ñawande laayooje e banndu haa hawra, addata oon rafi ko ñonkoto (virus) inniraado caanngol ina RDC ina wiye Ebola.



Ñonkoto Ebola

Eddaaji joy Ebola nganndaama, heen nay ina ndaaba neddo, gila 1976 rafi o ari e Afrik laabi capande tati e ndeer gure joñiide. Ko ari hikka ko noon hono mum suwaano wadde, to bannge yaajde e hulbinaade, etee

ari ko e nokkuuji di meeda arde.

2 – Hol Ebola raabirta?

Fuddoode rafi o anndaaka tawo, etee hay kulle daabateede nganndidaaka tawo, won tuumoobe bilwile e kulle godde, ina yaakora neddo hebi rafi o ko e kulle dafanoode, maa tawa ko o ñaamdo teew majje, walla o mem de. So neddo o hebii rafi o, ina waawi raabde ko yaawi goddo, yiyam, tuute, waayo e ko ummii e dafaado fof ina raaba. Hay kaake dafaado huutortonoo ina ndaabe sabu waasata wadde ñonkoto o.

3 – Hol maale rafi o?

Caggal nde neddo hebi ñonkoto ko foti no balde dide haa 21, rafi o wona e feeñde, banndu wula (faawna 38.5 °C) ndu loha, ndu

muusa, yanta heen muuseeki hoore e peddagol goddol. Rewata e dee maale ko tuure, ndogu-reedu, puy'e walla uube nduuya e banndu haa hawra, tuyyam ndeer e boowal banndu.



25 haa 90% e rafaabe ina canko, kala heen malaado sellude, dadi maayde ina jogoo hattan raabde fotde lebbi didi, wadde o mbo foti reeneede do hisi ngam hisnude wodbe.

4 – Mbele safaara o rafi ina woodi?

Safaara woodaani, faddungo kadi alaa, kono

tan doktoreeɓe Ameriknaaɓe raabanoobe to Liberiya nawtaa, ndokkaama safaara ngondo e jarribeede ZMapp, ala e sago ko maa o jarribee e wodɓe ngam heɓindaade mbaawka makko safrude rafi o. So tawi ZMapp waawii foolde rafi o, ko maa ko heewi feewnee, duum noon naamndii ko ngalu mawɗo.

Kadi ko njiilaw safaara patdotoodo rafi o wonaa, tawa ina walla banndu nedɗo riiwtude rafi o gila heɓindaaki mbo.

5 – Hol no nedɗo reentirtoo o rafi?

Nedɗo ina foti reentaade kala gondudo e o rafi, waasa mbo badaade nih. Nedɗo ina foti toppitaade laaɓal banndu mum, soodaade juude mum kala saha wada heen saabunnde.

